

**DECRETO.- Aprobación de bases e convocatoria para a selección de 20 alumnos/as traballadores/as, participantes no Obradoiro Dual de Emprego “Serra do Faro VI” – Concello de Carballedo.**

Vista a Orde do 31 de decembro de 2020, da Consellería de Emprego e Igualdade, pola que se establecen as bases reguladoras das axudas e subvencións para os obradoiros duais de emprego da Comunidade Autónoma de Galicia, e se procede á súa convocatoria para o ano 2021 (código de procedemento TR353A), publicada no DOG nº 22 do 03 de febreiro de 2021.

Visto o artigo 10 da citada Orde, que sinala que a selección do alumnado-traballador, así como a do persoal directivo, docente e administrativo de apoio participante no proxecto que se vai a poñer en funcionamento, será realizada pola entidade promotora do obradoiro mediante un procedemento específico regulado mediante instrución da Dirección Xeral de Formación e Colocación, atendendo ás prioridades do proxecto, aos itinerarios formativos e a criterios de igualdade e obxectividade.

Vista a Resolución de 08.09.2021, da Xefa Territorial de Lugo da Consellería de Emprego e Igualdade, pola que se concede a subvención para o **obradoiro dual de emprego “Serra do Faro VI”**, sendo a entidade promotora o Concello de Carballedo. O proxecto formativo consta de dous Certificados de profesionalidade, con 10 alumnos/as traballadores/as cada un deles,

- AGAO0108: Actividades auxiliares en viveiros, xardíns e centros de xardinaría; AGAR0309: Actividades auxiliares en conservación e mellora de montes, ambos de Nivel 1
- EOCB0211: Pavimentos de albanelería e urbanización, de Nivel 2

Vista a necesidade urxente de proceder á aprobación das bases e convocatoria para a selección de 20 alumnos/as traballadores/as, participantes no Obradoiro Dual de Emprego “Serra do Faro VI” – Concello de Carballedo.

Vistos os antecedentes e demais normativa de aplicación, esta Alcaldía **ACORDA:**

**PRIMEIRO.-** Avocar as competencias previamente delegadas na Xunta de Goberno Local.

**SEGUNDO.-** Aprobar as bases e a convocatoria para a selección de 20 alumnos/as traballadores/as, participantes no Obradoiro Dual de Emprego “Serra do Faro VI” – Concello de Carballedo, que figuran como Anexo a este acordo.

**TERCEIRO.-** Dar traslado desta resolución á Xefatura Territorial da Consellería de Emprego e Igualdade, á Oficina de Emprego de Chantada, e ao Concello de Chantada, aos efectos oportunos.

**CUARTO.-** Publicar as bases de selección na páxina web do Concello de Carballedo, <http://www.concellocarballedo.es> - no apartado Áreas de interese - Oferta de Emprego, e no taboleiro de anuncios do concello.

**QUINTO.-** Dar conta deste acordo á Xunta de Goberno Local e ao Pleno do Concello de Carballedo, na seguinte sesión que se celebre.

Carballedo, a 17 de setembro de 2021  
DOCUMENTO ASINADO DIXITALMENTE Á MARXE,  
O Alcalde, D. Julio Manuel Yebra-Pimentel Blanco  
O Secretario, D. Fernando Torre Comesaña



**“ANEXO.- BASES PARA A SELECCIÓN DOS TRABALLADORES PARTICIPANTES NO  
OBRADOIRO DUAL DE EMPREGO “ SERRA DO FARO VI ”- CONCELLO DE  
CARBALLEDO.**

**PRIMEIRA.- OBXECTO.-**

Estas bases teñen como finalidade, de conformidade co previsto no artigo 10 e 11 da Orde do 31 de decembro de 2020 da Consellería de Emprego e Igualdade, pola que se establecen as bases reguladoras das axudas e subvencións para os obradoiros duais de emprego da Comunidade Autónoma de Galicia, e se procede a súa convocatoria para o ano 2021 (código de procedemento TR353A), publicada no DOG nº 22 do 03.02.2021, establecer o sistema, requisitos, baremos ou probas que se aplicarán na selección das 20 persoas alumnas traballadoras que participarán no obradoiro dual de emprego “**Serra do Faro VI**”, promovido polo **Concello de Carballedo** e subvencionado pola Consellería de Emprego e Igualdade.

**SEGUNDA.- RELACIÓN XURÍDICA DOS TRABALLADORES PARTICIPANTES COA ENTIDADE PROMOTORA DO OBRADOIRO DUAL DE EMPREGO.-**

Durante a súa incorporación ao obradoiro dual de emprego, as persoas alumnas seleccionadas estarán vinculadas á entidade promotora mediante a modalidade de contrato para a formación e aprendizaxe.

Os contratos de traballo terán carácter temporal, cunha duración de nove meses e serán a xornada completa.

De conformidade co establecido no artigo 14 da Orde do 31 de decembro de 2020 da Consellería de Emprego e Igualdade, non é aplicable a este proceso selectivo a normativa establecida para os procedementos de selección de persoal das distintas administracións públicas, aínda cando a entidade promotora sexa un organismo público. As persoas alumnas traballadoras seleccionadas non se considerarán incluídas nos correspondentes cadros de persoal ou relacións de postos de traballo, e consecuentemente, non será precisa oferta de emprego público previa.

**TERCEIRA.- REQUISITOS DAS PERSOAS ASPIRANTES.-**

As persoas participantes no proceso selectivo, deberán reunir os seguintes requisitos:

Requisitos xerais.

- Ter dezoito ou máis anos de idade.
- Estar desempregadas, entendéndose nesta situación ás persoas demandantes de emprego inscritas no Servizo Público de Emprego de Galicia, que carezan de ocupación remunerada e estean dispoñibles para o emprego. Este requisito deberá de manterse na súa data de incorporación ao proxecto.
- Estar empadroadas nos **Concellos de Carballedo ou Chantada**, con anterioridade á data de realización do sondeo pola Oficina de emprego de Chantada.



- Cumprir os requisitos establecidos na normativa reguladora do contrato para a formación e aprendizaxe, co obxecto de ter vinculación mediante un contrato de tales características ao obradoiro dual de emprego, desde a súa incorporación ao proxecto, en aplicación do previsto nos artigos 2 e 5 desta orde de convocatoria.
- Cando a formación a impartir no proxecto vaia dirixida á obtención de certificados de profesionalidade de nivel de cualificación 2 ou 3, cumprir cos requisitos de acceso sinalados nos reais decretos que regulan ditos certificados.
- Non padecer enfermidade ou defecto físico que impida o normal desempeño das funcións que corresponden ao posto convocado, estando en condicións de incorporarse ao mesmo na data de inicio do proxecto formativo.

#### Requisitos específicos:

- Nivel profesional: ata oficial de 2ª inclusive.

#### **CUARTA.- CAUSAS DE EXCLUSIÓN.-**

- ✓ Non cumprir os requisitos esixidos nestas bases e na orde de convocatoria, no momento da súa incorporación ao obradoiro dual de emprego.
- ✓ Ter cursado a especialidade formativa que se programa, na súa totalidade, no obradoiro e para a cal foi seleccionado/a.

#### **QUINTA.- OFERTA DE ACTIVIDADE.-**

Unha vez constituído o grupo de traballo, e aprobados os criterios de selección das persoas alumnas traballadoras que van participar no obradoiro dual de emprego, presentaranse ofertas de emprego, en función das especialidades formativas que se van a impartir e do concello nos que están localizadas as actuacións previstas no proxecto de obradoiro, definindo nas mesmas os parámetros de sondaxe.

Neste caso correspondéndolle tramitar as ofertas á oficina de emprego de:

Oficina de emprego de Chantada:

#### **OFERTA 1**

- Ámbito xeográfico: **Concello de Carballedo.**
- Número de persoas alumnas traballadoras: 5
- Especialidades formativas a cursar: **AGA00108: Actividades auxiliares en viveiros, xardíns e centros de xardinaría; AGAR0309: Actividades auxiliares en conservación e mellora de montes; ambas de nivel 1.**
- Ocupacións ou postos de traballo relacionados: (peón xardineiro, peón forestal e similares) NIVEL 1
- Nivel profesional: ata oficial de 2ª inclusive.
- Requisitos: reunir os requisitos sinalados no Real decreto que regula o certificado de profesionalidade e os demais esixidos nestas bases.

#### **OFERTA 2**

- Ámbito xeográfico: **Concello de Chantada.**
- Número de persoas alumnas traballadoras: 5



- Especialidade formativa a cursar: **AGA00108: Actividades auxiliares en viveiros, xardíns e centros de xardinaría; AGAR0309: Actividades auxiliares en conservación e mellora de montes; ambas de nivel 1.**
- Ocupacións ou postos de traballo relacionados: (peón xardineiro, peón forestal e similares) NIVEL 1
- Nivel profesional: ata oficial de 2ª inclusive.
- Requisitos: reunir os requisitos sinalados no Real decreto que regula o certificado de profesionalidade e os demais esixidos nestas bases.

### OFERTA 3

- Ámbito xeográfico: **Concello de Carballedo.**
- Número de persoas alumnas traballadoras: 5
- Especialidade formativa a cursar: **EOCB0211: Pavimentos de albanería e urbanización, nivel 2.**
- Ocupacións ou postos de traballo relacionados: (albaneis, enfoscadores e asimilados, e peóns da construción) NIVEL 2
- Nivel profesional: ata oficial de 2ª inclusive.
- Requisitos: reunir os requisitos sinalados no Real decreto que regula o certificado de profesionalidade e os demais esixidos nestas bases.

### OFERTA 4

- Ámbito xeográfico: **Concello de Chantada.**
- Número de persoas alumnas traballadoras: 5
- Especialidade formativa a cursar: **EOCB0211: Pavimentos de albanería e urbanización, nivel 2.**
- Ocupacións ou postos de traballo relacionados: (albaneis, enfoscadores e asimilados, e peóns da construción) NIVEL 2
- Nivel profesional: ata oficial de 2ª inclusive.
- Requisitos: reunir os requisitos sinalados no Real decreto que regula o certificado de profesionalidade e os demais esixidos nestas bases.

As persoas preseleccionadas pola oficina serán convocadas por carta, na que se sinalará o lugar, día e hora á que deberán asistir para realizar a selección, indicándolles así mesmo que deberán de facelo provistos da documentación, en orixinal ou copia compulsada, que acredite os seus méritos, así coo unha copia para entregar ao grupo de traballo.

A selección terá lugar na Casa do Concello de Carballedo o día **11 de outubro de 2021** ás:

- Ás 10:00 horas, para persoas alumnas traballadoras dos módulos **AGA00108: Actividades auxiliares en viveiros, xardíns e centros de xardinaría; AGAR0309: Actividades auxiliares en conservación e mellora de montes, ambos de nivel 1.**
- Ás 12:00 horas, para persoas alumnas traballadoras do módulo **EOCB0211: Pavimentos de albanería e urbanización, nivel 2.**

### SEXTA.- PROCEDIMIENTO DE SELECCIÓN.-

De acordo co disposto na orde de convocatoria, terán preferencia para participar nestes proxectos as persoas que, tendo previsto a realización deste tipo de



medidas no seu itinerario de inserción profesional, teñan especiais dificultades de inserción no mercado de traballo, tales como: as persoas mozas menores de trinta anos, os emigrantes retornados, as mulleres en xeral, as mulleres vítimas de violencia, as persoas que esgotaran as prestacións e subsidios por desemprego, as persoas paradas de longa duración, as persoas maiores de corenta e cinco anos, as persoas que carecen de títulos universitarios e de F.P. de grao superior, excepto para os certificados de profesionalidade de nivel de cualificación 3, para os que se require unha maior formación, xa que estes programas van dirixidos as persoas que, con carácter xeral, carecen dunha cualificación profesional, as persoas con discapacidade sempre que poidan realizar os traballos e as persoas pertencentes a outros colectivos desfavorecidos ou en risco de exclusión social.

As beneficiarias do programa de fomento da inserción laboral das mulleres vítimas de violencia incorporaranse directamente con prioridade absoluta o proxecto, sempre e cando cumpran os requisitos xerais das presentes bases.

Á vista do anterior, respectando en todo caso os requisitos e criterios de selección establecidos nesta orde e nas instrucións e circulares da Dirección Xeral de Formación e Colocación que a desenvolvan, o Grupo de traballo acorda aplicar o baremo establecido no **Anexo I (baremo de selección)**, por medio do cal serán avaliadas as circunstancias persoais e profesionais dos candidatos a remitir pola oficina de emprego cunha puntuación máxima de **23 puntos**.

#### **Proba de aptitude e/ou coñecementos.**

A continuación, e no mesmo acto, o Grupo de traballo procederá a realización dunha proba de aptitude e/ou coñecementos coas persoas candidatas coa finalidade de determinar as súas destrezas profesionais e a súa adecuación ao posto de traballo ofertado. Este exercicio será valorado cunha puntuación máxima de **12 puntos**.

Consistirá na realización dun exercicio tipo test. O exame constará de 24 preguntas con 4 respostas alternativas. Cada resposta acertada vale 0,50 puntos. Por cada resposta errada descontarase -0,20 puntos. Non puntúan as preguntas que queden sen contestar.

#### **TEMARIO PARA A PROBA DE APTITUDE E COÑECEMENTOS:**

Tema 1.- Prevención de riscos laborais.

Tema 2.- Seguridade e saúde no traballo.

Tema 3.- Igualdade entre mulleres e homes.

Tema 4.- Cuestión básicas e prácticas do posto a desenvolver.

Tema 5.- Coñecementos básicos dos módulos formativos, de cada especialidade.

Finalizado o proceso de selección, o Grupo de traballo procederá ao establecemento das puntuacións finais das persoas candidatas que teñan participado no proceso de cobertura da oferta de emprego; puntuacións que virán dadas pola suma dos puntos acadados na valoración de méritos e na proba de aptitude e/ou coñecementos, e determinarán a orde de prelación das persoas aspirantes, para a súa ulterior contratación pola entidade promotora. Prepararán a relación das persoas admitidas e excluídas para participar como alumnos/as traballadores/as no obradoiro dual de emprego, sinalando neste último suposto os motivos da exclusión, facendo constar para cada un deles



a puntuación e a/as especialidade/s formativas ás que son adscritos. Esta relación será exposta no taboleiro de anuncios da entidade promotora e na súa páxina web, así como nos taboleiros de anuncios das oficinas de emprego.

O grupo de traballo asinará a acta de todo o actuado, por duplicado exemplar, e remitirá un exemplar á entidade promotora para o seu cumprimento e outro á Xefatura Territorial.

#### **SÉTIMA.- LISTAXE DE RESERVA.-**

O grupo de traballo, coa finalidade de suplir as posibles baixas das persoas seleccionadas como alumnas traballadoras, poderá elaborar unha lista de reserva que estará integrada polas persoas candidatas que, non sendo seleccionados, obtiveran as maiores puntuacións. En caso de esgotarse realizaríase novamente oferta na oficina de emprego.

Esta listaxe de reserva terá vixencia mentres sexa posible substituír ao alumno/a traballador/a.

#### **OITAVA.- ADMISIÓN.-**

As persoas seleccionadas polo grupo de traballo serán admitidas pola entidade promotora, para participar no obradoiro dual de emprego na condición de alumnos/as traballadores/as sempre e cando cumpran os requisitos destas bases, para o que deberán pasar un recoñecemento médico e ser declarados aptos para o desempeño dos traballos a realizar no obradoiro dual de emprego.

En todo caso, os requisitos de selección deben de manterse na data de incorporación ao proxecto.

#### **NOVENA.- INCIDENCIAS E RECLAMACIÓNS.-**

As incidencias e reclamacións que se poidan suscitar, derivadas dos procesos de selección, presentaranse ante este grupo de traballo no prazo de 2 días naturais, a contar dende o seguinte ao da exposición no taboleiro de anuncios do Concello de Carballedo, da relación de persoas candidatas admitidas, excluídas e reservas, e serán resoltas por éste, sen que caiba ulterior recurso en vía administrativa.

#### **DÉCIMA.- PUBLICIDADE DAS BASES.-**

Estas bases deberán ser expostas ao público nos taboleiros de anuncios da oficina de emprego que tramite a oferta, así como nos taboleiros de anuncios e na páxina web da entidade promotora do obradoiro de emprego.



**ANEXO I.- BAREMO DE SELECCIÓN DO ALUMNADO  
DO OBRADOIRO DUAL DE EMPREGO “SERRA DO FARO VI”**

**1.- MULLERES.-** As beneficiarias do programa de fomento da inserción laboral das mulleres vítimas de violencia de xénero Terán prioridade absoluta.

Mulleres, en xeral	1 punto
--------------------	---------

**2.- IDADE**

18 – 29 anos	3 puntos
30 – 44 anos	1 punto
45 ou máis	2 puntos

**3.- DISCAPACIDADE**

Minusvalía, grado maior ou igual ao 33%	1 punto
---	---------

**4.- PROTECCIÓN DE DESEMPREGO**

Perceptores de desemprego	1 punto
Perceptores de subsidios	2 puntos
Non perceptores	4 puntos

**5.- TEMPO DE DESEMPREGO DESDE O ÚLTIMO TRABALLO (SEGUNDO VIDA LABORAL)**

Menos de 12 meses	1 punto
De 12 a 18 meses	2 puntos
Máis de 18 meses	3 puntos

**6.- CATEGORÍA PROFESIONAL**

**(NO TRABALLO INMEDIATAMENTE ANTERIOR SEGUNDO VIDA LABORAL)**

Autónomos	0 puntos
Grupo de cotización de 1 a 7	0 puntos
Grupo de cotización 8	1 punto
Grupo de cotización 9	2 puntos
Grupo de cotización 10	3 puntos
Sen emprego anterior	4 puntos



**7.- PERTENZA A COLECTIVOS DESFAVORECIDOS OU EN RISCO DE EXCLUSIÓN SOCIAL (Acreditado mediante certificación dos servizos sociais do concello respectivo ou do Servizo de Prestacións, Inclusión e Inmigración, da Consellería de Política Social ...)**

Perceptores da RISGA e aqueles aos que lles fose denegada una solicitude, ben por falta do período esixido de residencia ou empadramento, ou ben por esgotar o período máximo de percepción legalmente establecido; drogodependentes rehabilitados acreditados; ex-reclusos; persoas que abandonaron o exercicio da prostitución; traballadores inmigrantes residentes da comunidade; emigrantes retornados con graves necesidades familiares ou persoais; mulleres procedentes de casas de acollida con problemas de inserción laboral; persoas que estivesen ata a súa maioría de idade baixo a tutela ou garda de Administración Autonómica e persoas que formen parte de minorías cuxas características poidan condicionar as súas posibilidades de integración social .....1 punto

**8.- FORMACIÓN ACADÉMICA**

Ata graduado	3 puntos
Bacharelato/BUP e FP ciclo medio	2 puntos
Títulos universitarios e de FP de ciclo superior	1 punto

**9.- RESPONSABILIDADES FAMILIARES / UNIDADE FAMILIAR DE CONVIVENCIA**

(entendéndose por elas a existencia dunha unidade familiar na que a persoa candidata teña ao seu cargo ao cónxuxe, fillos/as menores de 25 anos ou maiores incapacitados ou menores acollidos. Para a consideración dos dous membros dunha parella de feito como integrantes dunha unidade familiar deberán presentar certificación da súa inscrición nos rexistros específicos existentes na comunidade autónoma ou concellos onde residan, e no suposto da inexistencia de dita inscrición, mediante documento público no que conste a constitución de dita parella)

Unidade familiar de 4 ou máis membros	1 punto
Monoparental con fillo/s	1 punto

**10.- OUTROS**

Por ter prevista a realización deste tipo de medidas no seu Itinerario de Inserción Profesional (IPI) con anterioridade a data de firma destas bases	2 puntos
--	----------

**11.- PROBA DE APTITUDE E / OU COÑECEMENTOS**

Na que se valorarán as aptitudes e/ou coñecementos das persoas candidatas coa finalidade de determinar as súas destrezas profesionais e a súa adecuación ao posto de traballo ofertado. Este exercicio, que será tipo test, será valorado cunha puntuación máxima de 12 puntos”.

